

Tsy mandry fahalemana ny tany  
**Filohana andrimpanjakana tafiditry ny olon-dratsy**

3

Andro iraisam-pirenен'ny karazan-javamananaina  
**Niavaka ny fankalazana ny 22 mey tany Menabe**

4



Talata 23 may 2023

Laharana 1437

Vidiny : 600 Ar

Tsy manana olona ny TGV 3

Talen'ny kabinetra  
tamin'ny fitondrana teo  
aloha notendrena Préfet

[www.gvalosoa.com](http://www.gvalosoa.com)

[gvalosoa@yahoo.com](mailto:gvalosoa@yahoo.com)

facebook : gazety valosoa rakoto

## Miala Rajoelina

3

Efa tena leon'ny fitondrany  
ny ankamaroan'ny olona

J - 109

## Nandrava ny motro tany Mahajanga 3

Kamiao citernes 2 nirehitra  
trakitera 2, remorques 3 may



## Vehivavy TIM Analamanga

2

Fahombiazana ny Sakafom-  
piraisana nanamafisana firaisankina



## Fetin'ny Reny 6

Miisa 8 ireo hifaninana  
amin'ny « Neny Miavaka » 2023



Fanadinana CEPE sy BEPC 2023 6

Miisa 515.081 ireo hiatrika ny CEPE,  
305.836 kosa ho an'ny BEPC

Tranombarotra Baolai 7

Fetin'ny Reny hiavaka  
miaraka aminy

Daka kely



Lalaon'ny Nosy : tandrevaka  
daholo na ny hira na ny logo  
an'ny lisany ry Boaikely a !

VEHIVAVY TIM ANALAMANGA

## Fahombiazana ny Sakafom-piraisana nanamafisana firaïsankina

Fahombiazana ny sakafom-piraisana nanamafisana ny firaïsankina ho an'ny Vehivavy TIM Analamanga ny faran'ny herinandro teo. Tontosa ny sabotsy teo ny sakafom-piraisana nokarakarain'ny ve-hivavy TIM Analamanga tao amin'ny Espace Dera Ampasanimalo. Feno hipoka ny trano nanatanterahana izao hetsika izao. Marihina fa hetsika fitadiavam-bola ho entina manatanteraka ny asa no natao tamin'io fotoana io araka ny fanambarâna nataon'ny filohan'ny Vehivavy TIM Analamanga Arphine Rahelisoa. Kanefa ny tena maha-zavadehibe izao hetsika natao izao hoy izy dia natao izany mba hampiray hatrany ny rehetra, sy ny hisian'ny fivondronana manoloana ny tolona miandry dia ny fididianana hatao amin'ity taona 2023 ity. Ho taom-pandresena ho antsika ity taona ity hoy izy nandritra izany. Araka izany dia vory lanona ireo vehivavy TIM Analamanga. Nanotrona azy ireo tamin'izany ny solontenan'ny birao politika nasionaly : nahitana ny mpandrindra nasionaly Jean Claude Rakotonirina, sy ny mpikambana amin'ny birao politika Julien Andriamorasata ; ny solombavambahoaka isany Fetra Ralambozafimbololona sy Feno Ralambomanana ; teo koa ny depiote teo aloha Voahangy Raharimanarivo sy Clarisse Razaïrimanana , ny ben'ny tanàna Mihary Andriantsilavo, ireo mpanolotsaina ma-



Ny Hiranty Fandresena ny sabotsy teo, tetsy amin'ny Espace Dera Tsiaidana.

robe voafidy tamin'ny anaran'ny antoko Tiako i Madagascar (TIM), notarhan'ny filohan'ny Collectif des Elus : ny mpanolotsaina Christian Andrianjafy, sy ireo olona marobe tonga tao mpanohana mavitrika ny filoha Marc Ravalomanana. Nalai-nisaraka ny rehetra tamin'io fotoana io, ny masoandro nilentika no nampalahelo.

Ny Valosoa

Depiote Todisoa

## Manampy amin'ny fanamboaran-dalana ao amin'ny Boriboritany faha-6

Na tsqy mpanao lalana fa mpanao lalana aza ny depiote i Madagasikara, manampy amin'ny fanamboaran-dalana ao amin'ny Boriboritany faha-6 naha-voafidy azy, ny depiote Todisoa Andriamampandry. Nambarany fa : "mitohy hatrany ny asa: lalana eny amin'ny fokontany Ambatolampy sy Avaratanana (Procar). Lalana rarivato mirefy 1km no natao teto. Nisy ny fidi-

nana ifotony niaraka tamin'ireo fokonolona nana-maso ny asa. Marihina fa efa fampanante-nana nomena tamin'ny vahoaka moa ny fanamboarana an'ito lalana ito. Mbola ho avy ny an'ny fokontany hafa fa aza manahy. Tsy misy manana ny ampy fa sambatra izay mifanampy," hoy ity olomboafidin'ny antoko TIM ity, ao Ambohimanarina.

Stefy



Ny depiote Todisoa, manampy amin'ny fanaovana foto-draftrasa, ao amin'ny Boriboritany faha-6 Antananarivo.

Ben'ny tanàna Ramparaoelina Rado

## Nitanila ny « agent recenseur » mpanisa mpifidy ao Ampitatafika

Natsahatra tamin'ny asa-avokoa ny vaomiera misahana ny fanisana ny mpifidy « Agent recenseur » miisa 7, ao anivon'ny Fokontany tao amin'ny Kaominina Ambanivohitra Ampitatafika Antananarivo Atsimondrano, hoy Ramparaoelina Rado Ben'ny tanànan'ny Kao-minina Ampitatafika, satria manana firehan-kevitra politika miandany amin'ny fitondram-panjakana, nandritra ny asa fanavaozana ny lisitry ny mpifidy teny an-toerana. Nanohy fanazavana ity olom-boafidy ity, fa naha-tratra 40% ny tahan'ny olona tsy tafiditra tao anatin'ny lisi-pifidianana teny anivon'ny Kaominina Ampitatafika nandritra ny fanavaozana ny lisitry ny mpifidy, satria tsy nampidirin'ireo « Agent recenseur » ireo, tao anatin'ny lisitry ny mpifidy avokoa ireo tokantrano na olona manana firehana hafa tsy mifanaraka amin'ny fitondram-panjakana. Nanohy fanazavana ny Ben'ny ta-



Ny Ben'ny tanànan' Ampitatafika.

nànan' Ampitatafika, fa ny fahatahorana an'ireo tokantrano ireo tsy hanohana ny filoha Andry Rajoelina mandritra ny fididianana filoham-pirenena no antony tsy nandraisana ny anaran'ny olona ary misy ihany koa ny tsindry avy amin'ny fitondrana foibe izay tsy

maintsy nankatoavin'izy ireo amin'ny fanatanteraha ny asa fanisana. Nanamafy Ramparaoelina Rado, fa tokony hiditra an-tsehatra amin'ny fanavaozana tanteraka ny lisitry ny mpifidy ny mpiandraikitra eo anivon'ny Kaominina sy ny Fokontany, mba ho fanat-

Franck Razakambelo

Politika

Lah 1437

Talata 23 may 2023 2

Ny Valosoa sy fakafaka

## Fiaïnam-pirenena Tandrevaka manara-penitra ny filaminam-bahoaka

Hita ho tena tandrevaka tokoa ny filaminam-bahoaka eto amintsika amin'izao fotoana. Vao nahare ny maro fa nisy namaky ny tranon'ny filohan'ny Antenimierampirenena, dia tsy vitsy ireo nilaza fa tandrevaka avokoa no anton'izany eo amin'ny sehatry ny filaminana sy fiarovana ny vahoaka sy ny fananany. Trano tsara fiambenana ve dia lasa tsizarizary hoy ny fanontaniana marobe voaray? sady vao tsy ela akory no namoaka andian'ny mpiambina vita fio-fanana ny polisy sy ny tafika nefà dia tandrevaka ha-trany no misy, sa mody atao toy izany, ka rehefa tonga ny propagandy, vao atao metimety, fanambatambazana sy havoaka daholo indray.

Tsorina, fa nanomboka tamin'ny alakamisy Andro Fiakarana teo iny, dia tsy hita izay polisy nahafa-po mba nanao ny asany teny an-dàlana teny, bangabanga ny teny Ampasampito, Ambanidja, Ankorahotra... mipaka mianavaratra iny sy ny mihazo an'Atsimondrano rehetra iny koa, toy izany koa ny teny Nanisana sy Analamahitsy, niverin-dalana ny fiara fitaterana sasany fa tsy nahandry intsony ny fitohanana antsasakadiny isaky ny mijanona. Ny zoma sy sabotsy iny ihany koa, dia nisy trano may teny Analamahitsy, nisy mpitaingina bisikileta voahitsaky ny kamiao teny Ambohitrarahaba ary ny alahady dia hipoka mpivavaka teny Antsonjombe, tsentsina ny lâlana, naneno avokoa ny fanairana (klaxon) mankadilo sofina, fiara maty tsy tambo isaina, nefà dia tsy afaka manao na inona na inona, ny polisy efa vitsy rahateo. Nanampy trotraka izany ny delestazy lavarenay eto an-drenivohitra tsy misy farany ity, lasa mahazo aina indray ny mpanao asa ratsy, ka mahatonga ny rehetra hilaza fa tandrevaka manara-penitra io.

Raha misy ve ny zava-tsarotra toy ireny amin'ny fitaterana, dia aiza? amin'ny firy hatramin'ny firy? inona no mety sy mahomby? raha te-hamonjy izany teleferika izany nefà ny lâlana aza ety ambany mihitsoka, moa tsy ny mponina eny Ambatobe hatrany no mahazo tombony, fa mba aiza no hialana eny raha hamonjy ny eny Nanisana, Andrononobe, sy ny manodidina ohatra? aiza ho aiza ny andraikitra raisin'ny mpitandro filaminana amin'izay fotoana izay?

Beharo

**TONONKALO**

## Ny mpitondra sy ny bebasu

Tena mihorohoro fatratra noho ny seza mihozongozona, Ka nampiana indray ny tandroka hiarovana ny vozona ? Nefà ireo izay efa eo dia maro no tsy misy hapoaka, Fa ny ataony aza matetika dia mandripaka vahoaka ?

Iretsy « zazavao » nantsoina, efa omanina avy hatrany F'efa tsinjotsinjo angaha hoe tsy hilamina ny tany, Ka aorian'ny fididianana, izy ireo no aksaizezina, Fa mandindona tokoa ny fianjerana miezinezina ?

Maro tamin'ireo anefa no hita ho nivaralila, Tena nanaratsy endrika izany atao hoe miaramila, Fa dia tazana mameo irony toeram-pimamoana, Ary avy eo manangana ady sy miteniteny foana .

Miaramila manahoana ilay hoe « ho an'ny tanindrazana » ? Tsy bebasu hiaro indray ireo efa tsisy fahombiazana, Fa hijery ireo vahoaka mila vonjy sy fiarovana, Noho ny ataon'ireo nandentika any anaty fahalovana !

Tsy mandry fahalemana ny tany  
Filohana andrimpanjakana aza  
tafiditry ny olon-dratsy ny tranony



**Arphine Rahelisoa Helisoa :** angaha moa tsy misy mpiambina ireny filohana andrimpanjakana ireny e? Tsy misy mpiambina angaha ny filohan'ny Antenimierampirenena. Ireny aza tratra koa maika fa ny vahoaka madinika.

**Paolo Emilio Raholinarivo Solonavalona :** grave be zany tranon'ny Lehiben'ny Andrim-panjaka misy tafiditra antsokotsoko izany. Ilay Fiandriam-pirenena mihintsy no voatohintohina !

**Lalahery Ranaivo :** oOhatran' ny...kkkkk.

**Saholy Ramarojaona : Lalahery Ranaivo :** fa nisy inona e !

**Rachel Edith Andrianantoandro :** za ko ary mba gaga !

**Jeannette Ramahery :** fa inona no niseho fa tsy naha.

**William Randriamahaleo :** ao anaty trano ny olana e... Raha io fitantaràna io dia olona manana fanalahidin'ny trano no nahavanona an'izany halatra izany raha marina izany, fa tsy natao hanodinana ny saimbahoaka tsy hijery ny fahasahiranana mianjady aminy isan'andro indray.

**Harinaivo Ratrimoarikoto :** gravy.

**Lova Rakotonirina :** iza ndray izany?kkkk !

**Mitia Anthonio :** na ny WC aza ve ts hisy mpiambina !

**Boniface Zakhah'Eli :** hihi ina ooo rewind picture ... ve?

**Andry Marodera :** NY HASINA koa efa nisy fotoana nanao zavatra tsy dia mifanalavitra amin'io.

**Daby Dinh Van :** misy Mpamosavy malemy ao !  
**Lalahery Ranaivo :** Daby Dinh Van : eny.

**Rasolohery Alain Christian :** mitombona fa tsy azo inoana.

**Apollinaire Rakotondrasoa :** mbola manao karatra ry zareo mpiambina.

**Jenny Rakotozafy :** tokony hitandrina ihany Joe Biden satria mitovitovy ihany ny hamafin'ny garde - jareo sa hoe nisy mpamosavy malemy ?

**Domoina Rasamoelson :** tsy nahitana vaky akory ny varavarana, fa very ny finday, ny solosaina sy ny poketra...

**Radison Celestin :** Domoina Rasamoelson : maha gagaga.

**Bruno Randriamahavanona :** dia gaga elah! Miarimala avec basy + caméra de surveillance.

**Noor Nyti Mandresy Razafi :** ohatrany ny tsy dia mahataitra fa ohatrany angamba resaka hehy !

Aina Ranarivahoaka : film vaovao indray ty.

Alice Hantaniranarivel : misy isainan'izy ireo tsara izany... inona no manjo ny vahoaka ?

## Ny Valosoa sy hadihady

### Miala Rajoelina

## Efa tena leon'ny fitondrany ny ankamaroan'ny olona

**A** min'ny hafainganam-pandeha tsy azo tohaina ny firosan'ny fotoana ho any amin'ny fifidianana ho filoham-pirenena. 109 andro sisa (J-109) dia tsy maintsy hametra-pialana amin'ny maha filohan'ny Repoblika azy Rajoelina Andry. Raha ny taitity ny favorian'ny filankevity ny minisitra ny alarobia 17 Mey 2023 lasa teo anefa dia toa mbola mitady haka fotoana izy eo amin'ny fitantana ny Firenena. Nahazo ny "amboaran'ny mpanorina lehibe" (Grand Batisseur) toko angamba ity filohan'ny Repoblika IV-2 ity ka hanarina ireo Lâlam-pirenena maro efa potika sy manahirana ny mpampiassa azy. Nanaovana tatifitry ihany koa fa efa manomboka ny sasany amin'izy ireo. Betsaka ny fampanantenana nataony tany amin'ny Faritra Avaratry ny Nosy iny tsy vitany dia miverina maka ny fon'ny mponina any indray izy amin'izao akaiky fididianana izao ka anisan'ny harenina ny Lâlam-pirenena faha-6 mampitohy an'Ambodromamy-Antsiranana izay mampikaika ny mpitititra toko. Torak'izany koa ny Lâlam-pirenena faha-2 sy faha-7 ary faha-5. Araka ny vaovao fantatra anefa dia leo ny fampanantenana nataon-dRajoelina Andry taminy ny mponina andalovan'ireo lâlam-pirenena ireo ka tsy mahatoky ny fahavitan'ny lâlana intsony raha mbola izy no mitondra eo. Tena efa leon'ny fitondran-dRajoelina ny ankamaroan'ny olona. Ny herinandro lasa teo ihany koa dia tsy maintsy vitaina, hono, ny teleferika eto an-drenivohitra, indrindra ilay zotra lokomboasary (ligne orange) mampitohy an'Ambatobe sy Anosy satria tetikasa latsaka ao ampon'ny filoha, hono, io ka tsy maintsy tanterahina. Ny "train urbain" izay tetikasa tamin'ny tetezamita dia tsy maintsy ho vitaina, asa raha ho tontosa fa efa voafefy aloha ny sisin-dalamby hatrany Ambohimanambola. Ny "bus raitra" nankalazaina fa tsy maintsy ho tonga ny voalohan'ity taona ity dia nanjavona kanefa nolazaina tamin'izany fotoana fa efa vita ny kaomandy. Voaresaka tao amin'ny taitity ny favorian'ny filankevity ny minisitra koa ny momba ny tohadrano famokarana herinaratra any Sahofika izay efa nanomboka tamin'ny taona 2020 ny fanadihadiana (etudes de faisabilité) kanefa dia naaton'ny orinasa ny asa noho ny tsy fandoavan'ny fitondrana ny vola mifanandrify

amin'izay vita, ary ny filoha Rajoelina Andry indray no manilika ny orinasa. Tetikasa goavan'ny fiadidianana ny Repoblika ny "fly over" Anosizato-Ampasika, ka ho vitaina asa mandram-pahoviana fa andrandrainy maro toko ny fahavitan'ny satria hampihena ny fitohana tsy misy ora eny amin'ireo toerana ireo. Matinkambo loatra izao fitondrana izao ka na nilaza aza Rajoelina Andry fa nanome baiko ny minisitra ny hampitsaharana ny fotodrafitsara, ary hifantoka amin'ny sosialim-bahoaka ny fahefana mpanantteraka. Aiza ho aiza anefa ny fanabeazana ny zaza malagasy, fanatanterahana ny fanatsarana ny famplanarana ve ny fampitafiana mpianatra sy mpampiatura akanjo miloko volomboasary sy ny fandokoana ny latabatra ho toy izany. Misitraka fitsaboana ara-dala sy maimaimpoana ve ny vahoaka malagasy re-hefa mandeha any amin'ireny hopitaly "manarapenitra" nolokoina lokomboasary ireny ny rindrina. Misy mpanohana ny fitondrana milaza fa samy nana ny lokony daholo ny mpitondra nifandimby. Marina izany fa tsy nandoko rindrini ny tranom-panjakana ho mena ny fitondrana Ravalomanana Marc ary tsy nandoko manga na dia varavarankely iray an'ny misitera ny fitondrana Rajaonarimampianina Hery. Azo sary an-tsaina ny tian'izao fitondrana izao hahatongavana amin'ny fitanisana ireo lâlam-pirenena lazainy fa hamboarina ireo dia ny fandresen-dahatra ny sehatra iraisam-pirenena fa mendrika io "famaritana" (grand) io toko Rajoelina Andry. Na efa natomboka, na mbola eo am-pieritreretana izay ho enti-manana ny fanamboarana ireo fotodrafitsara notanisainy ireo ny mpitondra dia tsy azo inoana ny hahavitan'ny azy ireo ao anatin'ny volana telo na efatra na dimy na enina. Kanefa nataon-dRajoelina Andry hoe "fo fo fo..." teto an-drenivohitra dia lasa ny orana ary nataony toy izany tany Atsimo dia latsaka ny orana ka raha manao hoe "abrikà...abrikà" izy rehefa manao ny lanonana fanombohan'ny asa dia ho vita "manarapenitra" ao anatin'ny indray mipy-maso izany lâlam-pirenena izany ve? 109 andro sisa, miandrandra ny fialany ny maro satria efa tofoka sy boboka amin'ny lainga sy ny tsy fahaiza-mitantan'ny fitondrany.

Andry Tsiavalona

### TSY MANANA OLONA NY TGV

## Talen'ny kabinetra tamin'ny fitondrana teo aloha notendrena Préfet

Tsy manana olona mihintsy ny TGV ary mba nankaiza ireo lazaina fa cerveaux ? fa toa olon'ny antoko hafa no tambazana toerana, mba hanjonoina ireo mpanao politika tsy manana hazon-damosina raha ny fanendrena tamin'ny filan-kevity ny minisitra farany teo no jerena, izay nanendrena an'Andriamatoa Rakotoaridina Dieu-Donné ho préfet an'Ambatondrazaka, izay Chef distrikan'i Marovoay ny 2009 - 2015 ; dia lasa préfet an'i Manjunga. Lasa talen'ny kabinetra tamina ministera teo aloha tsy mitovy loko amin'ny mpitondra ankehitriny. Nantsoin'i Mera Vaza-



Ny Prefet-n'Ambatondrazaka amin'izao.

habe, ka natao conseiller tao amin'ny kaominina andrenivohitr'Antananarivo. Dia i Naina Vazahabe no nansika azy mba omena toe-rana takalon'ny nialany tamin'ny antokony, satria vao nivoaka izy dia efa chef de District tao Ambatondrazaka tamin'ny 2004. Tamin'izany mbola tsy nisy préfecture fa chef de région, ka izao notendrena ho préfet an'Ambatondrazaka izao izay neverin-dry Vazahabe nanolotra azy sy ny Rajoelina fa hanampy ireo ekipa Orange any Ambatondrazaka.

Naina



Firehetana mahatsiravina nitrange tany Mahajanga omaly.

Nandrava ny motro tany Mahajanga

## Kamiao citernes 2 nirehitra, trakitera roa may, remorques 3 otohoton'ny afo

Nandrava ny motro tany Antanimalandy Mahajanga faritra Boeny omaly atoandro. Kamiao citerne 2 nirehitra, trakitera 2 may, remorques 3 otohoton'ny afo,... Afo avy amin'ny andrana fampiasana poste sou-dure no voalaza fa nahatonga ny loza. Raha ny tombatomban'ny faha-

voazana, manodidina ny 2 miliara Ar ny tombambidin'ny fahavoazana, raha ny vaovao azo avy any an-toerana.

Ny Valosoa

ANDRO IRAISAM-PIRENEN'NY KARAZAN-JAVAMANANAINA

## Andro iraisam-pirenен'ny karazan-javamananaina

**T**oa ny faritra rehetra dia isan'ny nankalaza ny andro iraisam-pirenenia ho an'ny karazan-javamananaina ny faritra Menabe, izay nifototra tamin'ny lohahevitra hoe :f'Fifanarahana manjary asa : ndao hanarina ny karazan-javamananaina", ka ny loabary an-dasy izay notarihan'ireo mpisehatra amin'ny fiarovana ny hay voary sy ireo mpiara-miombonantoka, izay nahitana ny avy ao amin'ny FANAMBY sy ny DURELL ary ny avy ao amin'ny fitaleavam-parity ny tontolo iainana sy ny Fandrosoana Lovainjafy, izay niarahana tamin'ireo mpianatry ny Oniversite ato Menabe no natao tamin'izany. Nampahafantarana azy ireo ny karazan-javamananaina sy ny tombontsoa entin'ny zava-mananaina ho an'ny fainan'ny zanak'olombelona, na ara-tontolo iaiana io na ara-ekonomika ; nisy koa ny fandaharana manokana izay niarahana tamin'ny haino aman-jery tato Morondava, nampahafantarana ireo karazan-javamananaina mampiavaka ny faritra Menabe. Nivoitra tamin'izany fa mihena dia mihena hatrany ireo zava-mananaina eto ambonin'ny tany ; saingy ho an'ny faritra Menabe kosa dia hita fa nahitam-bokatsoa ny fiarovana ny tontolo iainana tamin'ny taona 2022 sy ity 2023 ity, satria voafehy ny afo sy ireo tsindry maro isan-karazany, mba hiarovana ireo karazan-javamananaina ato Menabe, izay harenan'ny Malagasy rehetra sy riazo tontolo izao, satria Madagasika dia tafiditra ao anatin'ireo firenena 10 manana anjara manokana amin'ireo karazan-javamananaina : anisan'izany ny Baobab satria amin'ireo karazana Baobab 7 misy maneran-tany dia ny 6 amin'ireo dia hita aty Madagasikara avokoa, eo koa ny karazana gidro kely in-drindra maneran-tany izay antsoina hoe

Microcebus Berthe dia ao amin'ny faritra arovana Menabe Antimena no ahitana azy. Ny zavaboahary tokoa no mame-lona antsika. Maro ny tombotsoa azo avy aminy toy ny sakafy, ny rano, ny fanafody, ny akora ilaina amin'ny andavan-dandro amin'ny fanamboarana akanjo sy fitafiana, na koa ny trano onenantsika, ny akoran'afy ampisaina, ny angôvo, sns... Ao amin'ny zavaboahary tokoa ny vahaolana ho antsika ary efa avoitran'ny mpikaroka malagasy sy maneran-tany izany. Iharan'ny tsindry mafy dia mafy ny karazan-javamananaina sy ny zavaboahary eto Madagasikara. Ny fitrandrahana tsy ara-drariny, ny fi-hazana sy ny varotra an-tsokosoko ny karazam-biby arovana sy ahiana ho lany taranaka toy ny sokatra, tarondro, varika, sns...; ny afo tsy voatandrina na tsy voafehy (doro ala sy ny doro-tanety), ny fiovan'ny toetrandro, ny fitomboan'ny mponina, sns... Isan'ny hiharan'izany tsindry izany ny Baobab izay harena mampiavaka ny faritra Menabe, satria ny Baobab dia tsy afaka mitsiry amin'ny alalan'ny tenany intsony, fa tsy maintsy tanan'olombelona no mampitsiry azy amin'izao, vokatr'ireo tsindry maro voalaiza ireo. Tandindonin-doza koa ny ALLEE DE BAOBABS amin'izao fotoana noho ny lalana emamaky iny Allée de Baobab iny, lalam-pirenena izay iveziven'ireo fiara mpitaititra entana sy vokatra, izay mavesatra dia mavesatra nefy nynofon-tany izay mitazona ireo Baobab efa simba, ka eo ampiandrasana ny fanapanahan-kevitriv ny fitondrana foibe ny rehetra amin'izao, satria efa misy ny tekit'asa izay nataon'ny ben'ny tanan'ny kaominina ambanivohit'i Bemanonga ny mba hamiliana ny lalana ho an'ny mpitaititra. Izany no hatao dia mba hiarovana ny ALLEE DE BAOBAB, sy ny



Ireto nitarika ny loabary an-dasy niaraka tamin'ireo mpianatra tany Morondava, nandritra ny JIB 2023 : Journée Internationale de la Biodiversité.

mba hahafahana mametraka ny sakana, hisian'ny fandraisan'n-jara ho an'ireo mpitsidika, mba hisy tamberim-bidy ho an'ny kaominina. Efa mandray ny fepe-tra rehetra mifanandrify amin'izany ny fitaleavam-parity ny Tontolo iainana sy ny Fandrosoana Lovainjafy ary ny mpiara-miombon'antoka rehetra amin'ny fikajiana ireo karazan-javamananaina misy eto amintsika ireo. Ny fanarenana sy ny famerenana amin'ny laoniny ny ro-hipaina toy ny ala sy ny ala honko ary ny fanentanana amin'ny fambolen-kazo, ny ady amin'ny afo dia ezaka lehibe ifotoran'izany. Zava-dehibe ihany koa ny fiaraha-miisa amin'ny olona eny ifotony sy amin'ny sehatra tsy miankina ary ireo mpisehatra rehetra voakasiky ny fikajiana sy ny fampiasana ny harena voajanahary. Ny tanjona amin'izao fankalazana izao moa dia ny fampaha-

fantarana ny zava-misy eo amin'ireo karazan-javamananaina sy ny fikajiana azy ireo ary ezahina ny fanatanterahana ireo fehin-kevitra tapaka amin'ny fikajiana ny tontolo iainana sy ny fiarovana ireo zava-mananaina ireo. Fotoanan'ny fanta-tanterahana izao hoy ny avy ao amin'ny Fanamby izay miandraikitra ny fiarovana sy fikojakojana ny faritra arovana, nilaza koa ny avy ao amin'ny Durell fa na dia hita aza ireo fihenan'ireo zava-mananaina ireo dia tsy kivy izy ireo, fa miantso ny rehetra mba hifanome tanana, ho fiarovana ireo zava-mananaina ireo, izay manana anjara lehibe eo amin'ny tontolo iainana sy ny fainan-janakolombelona. Koa manainga ny rehetra mba hiray hina sy hiara-mientana ahafahantsika manorina fainana sy ho avy mirindra miaraka amin'ny zavaboahary.

Rajepa

## An-tsary misongadina Ny Valosoa Vaovao

Helisoa, Navalona

Andro vitsy sisa dia hifarana ny fisoratana anarana anaty lisitry ny mpifidy. Mbola nananteraka hatrany ny fanentanana fanaony ny COMTIM Talatamaty. Tao Antsambilo no nanaovan'ny Jeunes TIM Talatamaty, Vehivavy TIM Talatamaty, ary ireo mpikatroka TIM ny tapany voalohany tamin'ny fanentanana ny sabotsy teo.



Manampy amin'ny fanamboaran-dalana ao amin'ny Boriboritany faha-6 ny depioite Todisoa.



## NY TENY FIAINANA

Ny Baiboly  
Malagasy

"Ary izany no angatahinay mandrakariva ny aminareo, mba hataon'Andriamanitsika ho mendrika ny fiantsoana hianareo, ary hotanterahiny amin'ny hery ny fankasitrahaha tsara rehetra sy ny asan'ny finoana."

II Tesaloniana 1:1

## Sakafo Ny Valosoa



Henakisoa sy anandrano indray, no laoka amin'ny Sakafo eto amin'ny gazetinao androany. Hatao ritra, na hatao ketsaketsa izany. Dia mazotoa homana tompoko.

## RUGBY AFRICA WOMEN CUP 1ST DIVISION 2023

## Variana tamin'ny fanaovana Plaque ny Makis Ladies XV

A zo lazaina fa tsara fanombohana i Afrika Atsimo sy Kenya teo amin'ny fanombohana ny fifaninanana rugby ve-hivavy "Africa Women Cup 1st division 2023", izay tontosaina eto amintsiaka, etsy amin'ny kianja Makis Andohatapenaka nanomboka tamin'ny sabotsy 20 mey 2023 lasa teo. Samy nibata fandresena voalohany avy izy ireo tamin'izany ka i Afrika Atsimo nanamontsana an'i Cameroun 87 noho 00 ary Kenya nandavo an'i Madagasikara 29 noho 20. Somary variana tamin'ny fanaovana "plague" nisakanana ny mpilalaon'i Kenya ireo mpilalaon'ny Makis Ladies XV tamin'ity fihaonanana faharoa ity, ka zary hadino ny fampiasana ha-fainganam-pandeha sy fahamailahana nataon'izy



Madagascar sy Kenya teny Andohatapenaka.

ireo teny am-piando-han'ny lalao, fa taty amin'ny fizaram-potoana faharoa ry zareo vao nam-piasa an'izay maha-Makis mipitipitika azy izay, ka nohararaotin-dry zareo Kenyana izany nampitomboina ny elanelan'isa nisy. Nisy lesoka ihany koa fa tsy tafiditra tamin'ny lalao mihitsy ny vodilaharan'ny Makis Ladies XV (n° 15)

tamin'ity lalao ity ary tsy nampanaorina mihitsy ilay mpilalao mpilaravina-hitra raha tsy tany akaiki-kaikin'ny fiafararan'ny lalao. Marihana fa tsy sahy nidina niarahaba an'ireo mpilalao roa tonta teny an-kiandra ny filoham-pirenena Malagasy, izay tonga nanatrika ny fihaonan' i Kenya sy Madagasikara, fa somary tara

kely vao tonga teny amin'ny kianjan'i Makis, ka efa nanomboka nisiotsioka ny mpijery baolina niandry ny fanombohan'ny lalao. Izy mbola niresaka tamin'Andriamatoa Adama Bakhoum, président du comité de rugby sy ny filohan'ny Malagasy Rugby tao ivelan'ny Tribune . Niavaka kosa ny fanotronan'ny "Ankoay 3x3" taranja Basikety ny Makis Ladies XV teny Andohatapenaka tamin'io andro voalohany io. Rahampitso alarobia 24 mey 2023 ny andro faharoa amin'ity fi-fanananana ity, hikatration'i Afrikana Atsimo sy Kenya andaniny ary Madagasikara sy Cameroun ankilany, ka tsy hisy vidim-pidirana ny fanatrehana an'ireo lalao ireo, araka ny fanapanahan-kevity ny FMR.

Rainilita

## NY VALOSOA sy Mahasoa

## Fomba fanalana kentrona amin'ny hoditra, tarehy, handrina, maso...

Fomba fanalana kentrona amin'ny hoditra, tarehy, handrina, maso... indray, no Mahasoa eto amin'ny gazetinao androany :

Iray amin'ireto no hatao :

- Tamotamo vovony sy voasarimakirana ary tantely ha-fangaro dia ahosotra amin'ilay mikentrona 30 min, avy eo sasana.

- Vaseline sy gel aloe vera, na gel vahona hafangaro dia ahosotra amin'ilay mikentrona 30 min, avy eo sasana.

- Vary fotsy vovony, graine de lin poudre, menaka coco . Ampangotrahana 10 min ilay graine de lin poudre dia avy eo tatavanina ilay ranony , ilay ranony no ampasaina atao anatin'ilay poudre vary fotsy dia afangaro tsara ary hasiana menaka coco , ahosotra amin'ilay mikentrona dia avela eo 30 min dia sasana.

Ahosotra isan'andro ireo, mandrapahafak'ilay mikentrona.



## Athlétisme pour tous 2023

## Naresaka teny amin'ny manodidina ny farihin'Anosy



Athlétisme pour tous 2023 teny Anosy.

Naresaka teny amin'ny manodidina ny farihan'Anosy, toe-rana nanatanterahana ny hetsika hazakazaka ho an'ny da-holobe na ny "Athlétisme pour tous", izay hetsika ankalamaina manerantany ary fanao isan-taona eo amin'ny sehatry ny hazakazaka sy ny taranja athletisma, izay hamaritana ny tanjona amin'ny fampiroboroboana ny taranja athletisma sy famporishana ny tanora mpiangaly izany, hiditra sy hanatevina anatin'ny klioba, tamin'ny alahady 21 mey 2023 lasa teo. Nahatratra 1000 mahery teo ho eo ireo mpandray anjara tamin'izany, izay notarihan'ny FMA « Federation Malagasy d' Athletisme » notarihan'ny filohany ary nandraisian'ny avy amin'ny MJS "Ministère de la Jeunesse et du Sport" anjara mavitrika.

Rainilita

## Lalaon'ny Nosy 2023

## Hampiasaina ny Complexe Sportif eny Vontovorona



Ny kianja Mitafon'i Vontovorona nasiam-panavaozana.

Fantatra ankehitriny fa hampiasaina ny Complexe Sportif eny Vontovorona nanenjahana an'i Arizaka Raoul Rabekoto, sy ny Praiministrir teo aloha Jean Ravelonarivo ny nanamboarana azy, satria nasiam-panavaozana ny « Gymnase Couvert » eny an-toerana handraisana an'ireo taranja sasantsasany amin'ny fifaninanana ity mia-raka amin'ny kianjan'i Maha-masina sy Alarobia ary kianja Mitafon'Ankorondrano. Fantatra tamin'ny fiafararan'ny fivoriana iraisan'ny filan-kevitra iraisam-pireneha momba ny lalaon'ny Nosy eto amin'ny ranomasimbe Indiana na ny CIJ tarihan'ilay Seychellois, Antonio Gopal, tetsy amin'ny Novotel Ala-

robia tamin'ny alahady 21 mey 2023 teo izany sy ny filazana ihany koa fa na-hena ho 17 ireo taranja hi-faninanana amin'ity andiany faha-11 amin'ny Lalaon'ny nosy hatao eto Antananarivo amin'ny zoma 25 aogositra ka hata-min'ny alahady 03 septembra 2023 ho avy izao ity, ka handraisana'ny firenena miisa 7 anjara dia i Maurice, Maldives,

Mayotte, Comores, La Réunion, Seychelles ary Madagasikara. Ny Athlé-tisme sy Para Athlé-tisme, Basketball 5x5 sy 3x3, Boxe, Badminton, Tennis de table, Football, Cyclisme, Haltérophilie, Handball, Judo, Lutte, Natation sy Para Natation, Rugby à 7, Karaté, Pé-tanque, Tennis, Volley ball ireo taranja 17 hifaninanana ireo, fa ireo taranja

## NY VALOSOA sy Mahaliana

## Ny tanànan'i Miarinarivo distrikan'i Vavatenina faritra Analanjirofo

Ny tanànan'i Miarinarivo distrikan'i Vavatenina faritra Analanjirofo indray, no Mahaliana eto amin'ny gazetinao androany. Renivohitry ny kaominina Miarinarivo ity tanàna ity, iray amin'ireo kaominina miisa 10 mandrafitra ny distrikan'i Vavatenina. Any atsimon'ny faritra Analanjirofo no misy azy. Mbola tsy dia avo toerana izy, satria 429 m ny haavony mihatra amin'ny ranomasina. Vokatra any ny vary, ny jirofo, ny lavanila, ny kafe; ny haninkotrana toy ny mangahazo, ny vomanga, ny voankazo toy ny letchi, ny manga, ny ampalibe, ny soanambo.



## FANADINANA CEPE sy BEPC 2023

## Miisa 515.081 ireo hiatrika ny CEPE, 305.836 kosa ho an'ny BEPC

Fanadinam-panjakanana CEPE sy BEPC amin'ny taona 2023, ny CEPE : mi-totaly 515.081 ireo mpiadina amin'ny fanadinana CEPE, ka mpiadina miisa 99 amin'ireo, no manana tsy fahatomombanana ara-batana. Toy izao manaraka izao ny isa: Antananarivo : manana mpiadina miisa 169.022, izay


mitsinjara amin'ny ivon-toeram-panadinana miisa 572. Fianarantsoa : 95.573 ireo mpiadina ary mitsinjara amin'ny ivon-toeram-panadinana miisa 411. Toliaro : mpiadina miisa 47.310, mitsinjara amin'ny ivon-toeram-panadinana miisa 376. Mahakasika ny fandinana BEPC dia mpiadina miisa 305.836, no hiatrika izany, izay mitsinjara amin'ny ivon-toeram-

miisa 268. Antsiranana : mpiadina miisa 53.740, mitsinjara amin'ny ivon-toeram-panadinana miisa 169. Toamasina: mpiadina miisa 83.263, mitsinjara amin'ny ivon-toeram-panadinana miisa 47 kosa, no manana tsy fahatombanana ara-batana. MPIADINA miisa 149.956 no nisafidy ny sokajy A, raha toa ka mpiadina miisa 155.880 no nisafidy ny sokajy B.

Stefy

Fetin'ny Reny

## Miisa 8 ireo hifaninana amin'ny « Neny Miavaka » 2023



Ireto mpifaninana amin'ny Neny Miavaka andiany faha-2.

Miisa 8 reny hifaninana amin'ny « Neny Miavaka » 2023. Ny fifaninanana "Neny Miavaka" dia na-nomboka ny taona 2022, notontosain'ny MMFA na ny Mpampianatra Mpambabe ho amin'ny Fanova Analamanga. Natao izany fifaninanana izany, mba ho fankasitrahana ireo Reny Mendrika , sy manana ny mampiavaka azy . Anisan'ny sehatra iray koa ahafahan 'ireo Reny mampiseho ny zava-bitia, fahaiza-manao

sy maneho hevitra ary fi-fampizarana fomba fitai-zana . Ny Fifaninanana dia sady fifampaitezana no fa-molavolana ny toe-tsaina, ary fanomezan-kasina ny Reny . Tsy mbola misy sokajin-taona, fa afaka mandray anjara daholo aloha rehefa Reny ampy taona , miisa valo ireo mpifaninana ary azo arahina ao anaty vondrona Fifaninanana Neny Miavaka ny lalao. Ireto mpifaninana : N°1 -Raharinantaina Ezra -Ez'r

Bralu. N°2-Ary Rakotoarisoa. N°3-Nahtia Andritahina. N°4-Razafiarisolo Harilalaina Fanjasoa -Laina Hanja Hj. N°5-Tsarahasy Raherindrainy Tafita -Tsarahasy Raherindrainy. N°6-Rivoandriana Jo -Jojax Razafindralambo. N°7-Razaka-mahefa Tsiky -Aaron Andriamitsiky. N°8-Ramana-nirisoa Bakoharizaka -Nirisoa Hafizaka. Nanomboka ny 16 mey teo ny fifaninanana ary hiafara amin'ny 10 jona

ho avy izao etsy amin'ny IKM Antsahavola . Ny antsasaky ny naoty ho an'ny mpifaninana dia j'aime amin'ny Facebook, ny antsasaky ny naoty kosa homen 'ireo mpitsara eo ampiatrehana ny filatroana. Amin'ny 10 Ora maraina no hanomboka ilay ao amin'ny IKM Antsahavola, amin'ny « Neny Miavaka » Andiany faharoa .

Aly

Inter Milan vs Manchester City.

## Mitarika vonjimaika ny Squad sy ny Avbca ary ny Pôle Gnvb sy Asi 1

Mitarika an'isa vonjimaika ny ekipan'ny Squad sy ny Avbca vehivavy ary ny Pôle Gnvb sy Asi 1 lehilahy, tao-rianan'ny andro faha-3 eo amin'ny fifaninanana fia-



Ny Gnvb volley-ball.

diana ny ho tompondakan'i Madagasikara 2023 taranja Volleyball sokajy 1DF sy 1DM tontosaina any Toamasina ankehitriny. Voka-dalao andro faha-3, alahady 21 mey 2023 : 1DF (A) : ECVB vs MVBC seta 0 - 3 (13/25 - 15/25 - 19/25), ASI vs STEF'AUTO seta 0 - 0 (23/25 - 21/25 - 12/25), 1DF (B) : MAMI vs CRJS seta 3 - 0 (25/11 - 25/16 - 25/12), AVBCA vs AMVB seta 2 - 3 (15/25 - 25/23 - 15/25 - 25/14 - 11/15), 1DM (D) : MAMA vs CVBF seta 1 - 3 (23/25 - 25/19 - 16/25 - 15/25), NADJ vs ASI 1 seta 0 - 3 (24/26 - 15/25 - 23/25), MVBC vs ASI 2 seta 0 - 3 (22/25 - 22/25 - 21/25), 1DM (C) : COSFA vs EVBI seta 3 - 0 (25/10 - 25/14 - 25/15), MAMI vs POLE GNVB seta 1 - 3 (21/25 - 25/19 - 15/25 - 21/25). Omaly alatsinainy 22 mey no andro faha-4 amin'ity fifaninanana ity, izay tontosaina amin'ny kianja mitafon'ny DRJS sy ao amin'ny Dojo Soavita Toamasina hatrany.

Rainilita

Tarika « Les Adeline »

## Fahombiazana ny fiverenany an-tsehatra

22 taona aty aorian'ny nijoroan'ny tarika Les Adeline, mbola lalim-paka sy voatazona hatrany ny fankafizan'ny maro ireo sanganasan'ity tarika movy ny hira mitaiza fanahy ity. Tsapa tamin'ireo fiakarana an-tsehatra nanao tohivakana tato ho ato toy ny tany Maramanga, Ambohitriony Andriampamaky ary ny tetsy amin'ny trano fivavahana Periela Besarety fa vao mainka aza nitombo sy nihamafy orina hatrany ny rohim-pifankatiavana akaiky misy eo amin'ireo mpankafy sy ny tarika Les Adeline. Ireto farany izay tsy zoviana intsony amin'ny fananana tononkira mora raisina manambara ny zavamisy eny amin'ny fainana andavanandro ary azo atao vatsin-dalana hanamafisana hatrany ny finoana an'Andriamanitra eo am-pamakivakiana ny lalan-sarotry ny fainana an-tany. Hipoka mpijery avoka ireo toerana rehetra nanatante-rahana ireo seho. Tsapa ho samy nahazo aim-panahy sahaza azy avokoa ireo mpankafy ary azo ambara fa maro ireo voakasika manokana teo ampihainoana ireo tononkira tsara rindra sy rakotra hafatra mafonja voaravaky ny feomanga feno angolan'ireo mpihira sy ny feon-javamaneno tsara rindran'ireo mpitendry efa matihanina eo anivon'ny tarika "Les Adeline". Nomarihan'ireo mpikambana sy ny mpandrindra ankapoben'ny tarika fa hitohy hatrany ny fikarana an-tsehatra ho fanabeazam-boho sy fanapariahaha ny tenin'Andriamanitra. Anisan'ny sanganasa vaovao efa maro mpankafy ilay hira "Ny hosotrao", noforonin'i Pasitera Sarobidy izay nahazoana akony tsara avy amin'ireo mpanjifa saika manerana ny Nosy. Misokatra malalaka amin'ny fiaraha-miasa ny tarika Les Adeline ary nampanantena hatrany fa hanolotra ny meva sy hampianjaika ny kanto hatrany ho voninahit'Andriamanitra.

Lalaso Razafindrakoto




Les Adeline, mbola maro no mankafy ny sanganasanay.

Famaranana Champion's League européen 2022-2023

## Any Istanbul Turquie amin'ny sabotsy 10 jona 2023

Amin'ny sabotsy 10 jona any amin'ny kianja "Stade Olympique Ataturk" any Istanbul Turquie, no hantante-rahana ny lalao famaranana amin'ny fifaninanana bologna kitra "Champion's League européen 2022-2023", ka hifanandrinan'ny ekipan'i Manchester City sy ny Inter de Milan, izay tafavoaka ho mpandresy tamin'ny lalao ankatoky ny famaranana mandroso sy miverina. Vokatr'ireo lalao ankatoky ny famaranana miverina tamin'ny 16 sy 17 mey 2023 teo : Ac Milan 0-2 Inter Milan (lalao mandroso Inter Milan 1-0 Ac Milan), Real Madrid 1-1 Manchester City (lalao mandroso Manchester City 4-0 Real Madrid).

Rainilita



Inter Milan vs Manchester City.

# Mpiandry raharaha

PHARMACIES DE GARDE  
13/05/2023 hatramin'ny  
20/05/2023

- MAHAFALY (Soavimasoandro près terminus bus 165 Mahatony) 034 10 937 11
- NAMONTANA (Nantomana) 034 23 899 93
- M PHARMACIE (Imm MAMA Ambalavao Isotry) 034 02 652 55/020 22 665 22 / 032 62 652 55/033 33 652 55
- DE L'AVENUE (Andohanan'Analakely en bas BNI) 032 11 207 07/038 20 207 06/038 20 207 07/038 20 207 08
- DE LA CROIX DU SUD (Antanimena en face imprimerie NIAG) 020 22 220 59 / 032 05 656 56

HJRA (urgences) :  
033 11 890 58 /  
22 279 79

HOMI Soavinandriana :  
22 397 51

Hopitaly Befelatanana :  
22 223 84 / 22 6 N72 21

Hopitaly  
Loterana Ambohibao :  
22 441 88 / 22 485 17

Clinique des Soeurs  
Ankadifotsy : 22 235 54

Ambulances municipales :  
22 200 40

Jirama:  
Telma : (22)3547 (n° vert) /  
Airtel : 03 35 47 /  
Orange : 032 32 354

Pompiers :  
Tél : 118/ 22 250 18/  
22 225 66

Police :  
Hôtel Central de Police :  
17 / 22 227 35 / 22 357 09

1° Arrondissement  
Tsaralalana : 22 280 54  
2° Ambanidra : 22 309 46  
3° Antanandro : 22 291 30  
4° Isotry : 22 280 51  
5° Mahamasina : 22 280 48  
6° Ambohimanarina :  
22 225 52  
7° 67 Ha : 22 291 29  
8° Analahitsy : 22 493 25  
Brigade criminelle :  
22 216 78 / 22 210 29 /  
22 674 83 na 84

GIR : 22 227 35

Gazetim-baovao miseho  
intelo  
isan-kerinandro  
Vidiny: 600 Ar  
Adiresy: lot T 70 Ankadindratombo

TALEN'NY FAMOAHANA :  
Rahelisoa A.  
034 79 07600

## MPANAO GAZETY

**Politika:**  
Isambilo: 033 24 783 65  
Rajo: 033 80 022 53  
Andry Tsialvalona 032 07 744 55

**Toe-karena :**  
Aly : 033 18 382 88

**Kolontsaina:**  
Aris: 034 17 460 53  
Beharo : 032 02 557 89

**Fanatanjahantena:**  
Lita: 033 41 557 69

**Mailaka:**  
gvalosoa@yahoo.com  
**NATONTAN'NY**  
Imprimerie de la RN7

Fametrahana 1437-05-2023

Isan'ny natonta: 10 000

Tsy azo adika, na alain-tahaka,  
na antsantsa ampahibemaso  
raha tsy ahazoana alalana vita  
soratanana avy amin'ny  
tompony

## MERIMANDROSO AMBOHIDRAPETO Tontosa ny fanitarana fampidirana jiro



Ny ben'ny tanànan'Ambohidrapeto, Mihary Andriatsilavo.


Tontosa ny fanitarana fampidirana joirpo , na ny extension-na jiro, sy eclairage publique : fanazavana ny lalana ao Merimandroso kaominina Ambohidrapeto, distrikan'Antananarivo Atsimondrano. Ilo asa lo dia anisan'ny fanamby lehibe nataon'ny ben'ny tanàna ao Ambohidrapeto Mihary Andriatsilavo, tamin'ny vahoaka tamin'ny fampielezan-kevitra tamin'ny fididianana fa tsy maintsy atao , ka izao vita izao araka ny fanambarana nataon'ity farany. Betsaka hoy izy no nanakora fa tsy ho vita izany io, betsaka koa ny tsy nanam-pinoana, nefo hisaorana ny Tompo fa vita soa amantsara izany. Ilaina anefa ny fairsankina hoy ny ben'ny tanàna ahafahana mahavita zavatra sy mampandroso ny tanàna hatrany.

Niaina

BEHARO

## Teny tondro (Ny Valosoa Vaovao)

N° 433



Misy ny teny Malagasy ofisialy sy ny tenim-paritra

Ohatra : Valy = Vady

## Valliny Teny Tondro (0432)

### Mitsivalana

- Hetra
- Tatitra
- Mpanao (miv)
- Rar(a) - No
- Vohitr(a)
- Anamalao
- Iva - (L)iona

### Mitsangana

- Hevitra
- Ova
- Tohatra
- Ray - May (miv)
- Antitra
- Rora (miv)
- PM (miv) - Nana
- Ompa - OO

Tranombarotra Baolai

## Fetin'ny Reny hiavaka miaraka aminy

Amin' izao ankatoxy ny fetin' ny Reny sy Pentekôty izao, dia somebiseby ao anatin' ny fanomanana tanteraka ny eo amin' ny sehatra ara toe-karena eto Madagascar. Manana tolotra miavaka mi-fanandrify amin' izany indrindra ny Tranombarotra « Baolai » etsy Soarano, Analakely ary ao Bazar - be Toamasina. « Ho fiarahana mankalaza ampifaliana ny fety 2 miavaka sy ny faha- 20 taonanay, dia manao fihenam-bidy goavambe izahay amin'ireo Smart Tv sy Télé led misy manomboka 32 hatramin' ny 85 pouces (misy antoka 1 taona). Ny televisionina 32 pouces « Jeyoo » dia manomboka 320 000 Ariary ny vidiny. Ary hoan' ireo izay mividy 32 pouces « Hisense » iray, izay 529 999 Ariary ny vidiny, dia hahazo fer à repasser iray »

hoy ny tompon' andraikitra. Ankoatran' izay dia vao nahatonga entana loha - laharana amin' ny kalitao hatrany izy ireo. Toy ny four à gaz sy électrique, Laser Tv 88 - 100 et 120 pouces (misy antoka 1 taona), panneaux solaires mono sy polychristalline, réfrigérateur, machine à café à capsule, subwoofer, mini radio baffle bluetooth solaire, synthétiseur, table de mixage, machine à laver double barre. Ny antsiprian'izany rehetra izany, dia ho azo amin' ny pejy fb sy « site web » : baolai ary ao amin'ny 033 37 188 88 (amin'ny ora fiasana). Dia hitorajofo ampifaliana tokoa ny fianakaviana malagasy amin' ireo fety samihafa hoavy miaraka amin' ny Tranombarotra « Baolai ».

Aly



Karazan'entana hita amin'ny Tranombarotra Baolai.

### TENY MIFANAPAKA

N° 433

A	B	D	E	F	G	H	I	J	K
1									
2									
3									
4									
5									
6									
7									
8									
9									
10									

### Mitsivalana

1. Anaran-tanàna - Simba sy masiso 2. Soloina - Bibikely (miv)
3. Fiandohan'ny rotaka - Mariho 4. Faritra malaza 5. Solfa - Fannampin'anarana - Mari-danja 6. Zokiolona be taona - Mpanondro toerana 7. Faran-teny - Maniry 8. Volana (miv) - Efaina 9. Manimba endrika (BR) - Tsirinteny 10. Anjara voajanahary - Mampisidy

### Mitsangana

- A. Raisina an-tsoratra B. Arovana - Naoty D. Tsirin-teny Mpanao - Teny fanehoana (miv) E. Fitaovam-pitaterana F. Maneho (miv) G. Fotaka - Mari-bola H. Tsy fahampian-tsakafo I. Heloka - Hazo maro J. Tsy marina K. Ohatra - Azera, ravaina, pote-hina

### Valliny Teny mifanaraka 0432

#### Mitsivalana

1. Sakay - Fary 2. Tanalahy (miv)
3. Lanonana 4. Ta - Vary 5. Niantoka
6. Tanàn - Anao 7. Ela - Ro - Ana
8. Na - Ireo (miv) - Ir 9. Ahatsapanana 10. Ila - Miray

#### Mitsangana

- A. Solontera B. Lalahy D. Kintana - La (miv) E. Ahoana - Ota F. Nay (miv) - Res(aka) G. Lavo - Maro (miv) H. Fanaka - (P)ipy I.. Anarana - Ar J. Rà - (M)anina K. Ity - Voaray

# An-tsary misongadina Ny Valosoa Vaovao

Feno hipoka ny Espace Dera Tsiadana, nandritra ny Sakafom-piraisana nokarakarain'ny Vehivavy TIM Anlamananga ny sabotsy teo.  
Ny masoandro nilentika no nampalahelo.

Isambilo

